

Fundargerð 997. fundar

stjórnar Sambands íslenskra sveitarfélaga

Árið 2026, föstudaginn 17. apríl kl. 12:00 kom stjórn Sambands íslenskra sveitarfélaga saman til fundar í Allsherjarbúð, Borgartúni 30 í Reykjavík.

Fundinn sátu: Jón Björn Hákonarson, Einar Þorsteinsson, Hildur Björnsdóttir, Hjálmar Sveinsson, Anna Sigríður Guðnadóttir, Einar Brandsson, Nanný Arna Guðmundsdóttir, Freyr Antonsson, Margrét Ólöf A. Sanders og Walter Fannar Kristjánsson.

Hjördís Ýr Johnson boðaði forföll.

Að auki sátu fundinn Arnar Þór Sævarsson, Inga Rún Ólafsdóttir, Valgerður Rún Benediktsdóttir, Grétar Sveinn Theodórsson, Helga María Pálsdóttir, Saga Guðmundsdóttir og Valur Rafn Halldórsson, sem ritaði fundargerð.

Fundargerðin var færð í tölvu.

Petta var tekið fyrir:

1. Fundargerð 996. fundar - 2510044SA

Lögð fram til kynningar fundargerð 996. fundar stjórnar Sambandsins frá 20. mars 2026, sem undirrituð hefur verið með rafrænum hætti.

2. Umhverfis- og innviðanefnd Sambandsins - 2509148SA

Lagðar fram fundargerðir 7. og 8. fundar umhverfis- og innviðanefndar Sambandsins frá 13. janúar og 3. mars 2026.

3. Stafrænt ráð sveitarfélaga - 2509327SA

Lagðar fram fundargerðir 43. og 44. fundar stafræns ráðs sveitarfélaga frá 21. janúar og 18. febrúar 2026.

4. Menntunar- og velferðarnefnd Sambandsins - 2509140SA

Lögð fram fundargerð 10. fundar menntunar- og velferðarnefndar Sambandsins frá 25. mars 2026.

Stjórn Sambandsins tekur undir með menntunar- og velferðarnefnd um mikilvægi MEMM-verkefnisins, sem miðar að því að efla samræmt verklag og stuðning við móttöku, menntun og inngildingu barna með fjölbreyttan tungumála- og menningarbakgrunn á landsvísu.

Stjórnin hvetur ríkið eindregið til að halda áfram með verkefnið og horfa til framtíðar með auknum fyrirsjáanleika í uppbyggingu og framkvæmd verkefnisins. Jafnframt felur stjórnin fulltrúum Sambandsins að taka virkan þátt í áframhaldandi samtali með heildarhagsmunum sveitarfélaga að leiðarljósi.

5. Brúum bilið leikskóli að loknu fæðingarorlofi - 2509038SA

Aðalhafðfræðingur Sambandsins fór yfir tölfræði um leikskólastigið og setti í samhengi við umræðu um lögfestingu réttar barna til leikskólavistar að loknu fæðingarorlofi.

Stjórn þakkar kynninguna og leggur höfuðáherslu á að vönduð umræða fari fram við ríkisvaldið um málið áður en lengra er haldið.

Einar Þorsteinsson vék af fundi kl. 13:30. Hildur Björnsdóttir vék af fundi kl. 13:45.

6. Fagleg stjórn vegna þróunar virðismatskerfis fyrir KÍ - 2509415SA

Sviðsstjóri kjarasviðs Sambandsins gerði grein fyrir stöðu verkefnisins.

7. Úthlutunarlíkön leik- og grunnskóla - aðkoma Sambandsins - 2509495SA

Lagt fram minnisblað framkvæmdastjóra Sambandsins, dags. 15. apríl 2026, um leyfiskaup á IBM leyfum vegna úthlutunarlíkani fjármagns fyrir leik- og grunnskóla - aðkoma Sambandsins.

Stjórn samþykkir að fela framkvæmdastjóra að halda utan um málið.

8. Þjónustugjöld - 2604013SA

Bryndís Gunnlaugsdóttir, lögfræðingur á þjónustusviði Sambandsins, kom inn á fundinn undir þessum lið og gerði grein fyrir máli nr. 644/2024 hjá Landsrétti um þjónustugjöld hafna.

Bryndís Gunnlaugsdóttir vék af fundi kl. 14:50.

9. Landsþing 2026 á Akureyri - 2509272SA

Lagt fram minnisblað sviðsstjóra þjónustusviðs Sambandsins, dags. 18. febrúar 2026, um undirbúning landsþings Sambandsins sem haldið verður á Akureyri dagana 23.-25. september 2026. Sviðsstjóri þjónustusviðs gerði grein fyrir málinu.

10. Tilnefning í sérfræðihóp um samræmda grunnskráningu í félagsþjónustu - 2603001SA

Lagt fram til kynningar bréf Sambandsins til félags- og húsnæðismálaráðuneytisins, dags. 17. mars 2026, þar sem María Ingibjörg Kristjánsdóttir, félagsþjónustufulltrúi á stjórnsýslusviði Sambandsins, Styrmir Erlingsson, sviðsstjóri velferðarsviðs Mosfellsbæjar, og Berglind Magnúsdóttir, skrifstofustjóri öldrunarmála á velferðarsviði Reykjavíkurborgar eru tilnefnd í sérfræðihóp um samræmda grunnskráningu í félagsþjónustu.

11. Tilnefning í verkefnisstjórn vegna sameiningu embætta sýslumanna - 2602020SA

Lagt fram til kynningar bréf Sambandsins til dómsmálaráðuneytisins, dags. 19. mars 2026 þar sem Jóna Árný Þórðardóttir, bæjarstjóri Fjarðabyggðar, og Jakob Björgvin Sigríðarson Jakobsson, bæjarstjóri Stykkishólms, eru tilnefnd í verkefnisstjórn vegna sameiningu embætta sýslumanna.

Það þeirra sem ráðherra skipar ekki verður varamaður hins.

12. Tilnefning í starfshóp vegna lagasetningar um rannsóknarnefnd í kjölfar Bakkakotsmálsins og um almennar sanngírnisbætur - 2603016SA

Lagt fram til kynningar bréf Sambandsins til forsætisráðuneytisins, dags. 20. mars 2026, þar sem Valgerður Rún Benediktsdóttir, yfirlögfræðingur Sambandsins, og Arnar Þór Sævarsson, framkvæmdastjóri Sambandsins, eru

tilnefnd í starfshópur vegna lagasetningar um rannsóknarnefnd í kjölfar Bakkakotsmálsins og um almennar sanngirnisbætur.

13. Tilnefning í stýrihóp vegna samráðs við gerð loftslagsstefnu - 2603011SA

Lagt fram til kynningar bréf Sambandsins til umhverfis-, orku- og loftslagsráðuneytisins, dags. 10. apríl 2026, þar sem Finnur Ricart Andrason, sérfræðingur á stjórnsýslusviði Sambandsins, er tilnefndur sem aðalmaður í stýrihóp vegna samráðs við gerð loftslagsstefnu, og Freyja Pétursdóttir, sérfræðingur á stjórnsýslusviði Sambandsins, til vara.

14. Tilnefning í starfshóp um heilbrigða vinnustaðamenningu - 2603019SA

Lagt fram til kynningar bréf Sambandsins til Vinnueftirlitsins, dags. 10. apríl 2026, þar sem Rakel Guðmundsdóttir, sérfræðingur á kjarasviði Sambandsins, er tilnefnd í starfshóp um heilbrigða vinnustaðamenningu.

15. Tilnefning í svæðisráð um strandsvæðisskipulag fyrir Eyjafjörð - 2602036SA

Lagt fram til kynningar bréf Sambandsins til félags- og húsnæðismálaráðuneytisins, dags. 10. apríl 2026, þar sem Þórir Hákonarson, bæjarstjóri Fjallabyggðar, er tilnefndur sem aðalmaður í svæðisráð um strandsvæðisskipulag fyrir Eyjafjörð, og Anna Karen Úlfarsdóttir, sveitarstjórnarmaður í Svalbarðstrandarhreppi, til vara.

16. Tilnefning í svæðisráð um strandsvæðisskipulag fyrir Skjálfandaflóa - 2602036SA

Lagt fram til kynningar bréf Sambandsins til félags- og húsnæðismálaráðuneytisins, dags. 10. apríl 2026, þar sem Sigurborg Ósk Haraldsdóttir, verkefnastjóri Samtaka sveitarfélaga og atvinnuþróunar á Norðurlandi eystra, er tilnefnd sem aðalmaður í svæðisráð um strandsvæðisskipulag fyrir Skjálfandaflóa, og Helena Eydís Ingólfssdóttir, sveitarstjórnarmaður í Norðurþingi, til vara.

17. Tilnefning í starfshóp um mótun ungmennastefnu - 2603017SA

Lagt fram til kynningar bréf Sambandsins til mennta- og barnamálaráðuneytisins, dags. 10. apríl 2026, þar sem, Freyja Sigurgeirsdóttir, lögræðingur á stjórnsýslusviði Sambandsins, er tilnefnd sem aðalmaður í starfshóp um mótun ungmennastefnu, og Valur Rafn Halldórsson, sviðsstjóri stjórnsýslusviðs Sambandsins, til vara.

18. Endurtilnefning í vinnuhóp um fullgildingu samþykktar Alþjóðavinnumálastofnunarinnar nr. 190 - 2603021SA

Lagt fram til kynningar bréf Sambandsins til félags- og húsnæðismálaráðuneytisins, dags. 10. apríl 2026 þar sem Rakel Guðmundsdóttir, er tilnefnd í vinnuhóp um fullgildingu samþykktar Alþjóðavinnumálastofnunarinnar nr. 190.

19. Umsögn um frumvarp til laga um Miðstöð menntunar og skólaþjónustu o.fl. - miðlægur nemendagrunnur - 2603013SA

Lögð fram til kynningar umsögn Sambandsins til allsherjar- og menntamálanefndar Alþingis, dags. 19. mars 2026, frumvarp til laga um breytingu á lögum um Miðstöð menntunar og skólaþjónustu, lögum um

grunnskóla og lögum um framhaldsskóla (miðlægur nemendagrunnur), 443. mál.

20. Umsögn um þátttöku Íslands í samstarfsáætlunum ESB 2028-2034 - 2602044SA

Lögð fram til kynningar umsögn Sambandsins til utanríkisráðuneytisins, dags. 20. mars 2026, um þátttöku Íslands í samstarfsáætlunum ESB 2028-2034, mál nr. S-38/2026.

21. Umsögn um frumvarp til sveitarstjórnarlaga - 2603015SA

Lögð fram til kynningar umsögn Sambandsins til umhverfis- og samgöngunefndar Alþingis, dags. 20. mars 2026, um frumvarp til sveitarstjórnarlaga, 505. mál.

22. Umsögn um flýtingu uppbyggingar raforkuinnviða og einföldun regluverks - 2603022SA

Lögð fram til kynningar umsögn Sambandsins til umhverfis-, orku- og loftslagsráðuneytisins, dags. 26. mars 2026, um flýtingu uppbyggingar raforkuinnviða og einföldun regluverks, mál nr. S-56/2026.

23. Umsögn um drög að reglugerð um innra eftirlit - 2603024SA

Lögð fram til kynningar umsögn Sambandsins til félags- og húsnæðismálaráðuneytisins, dags. 8. apríl 2026, um drög að reglugerð um innra eftirlit, mál nr. S-62/2026.

24. Umsögn um frumvarp til laga um innviðafélag - 2604006SA

Lögð fram til kynningar umsögn Sambandsins til fjárlaganefndar Alþingis, dags. 10. apríl 2026, um frumvarp til laga um innviðafélag, 535. mál.

25. Umsögn um frumvarp til laga um lagareldi - 2604005SA

Lögð fram til kynningar umsögn Sambandsins til atvinnuveganefndar Alþingis, dags. 10. apríl 2026, um frumvarp til laga um lagareldi, 529. mál.

26. Umsögn um frumvarp til laga um breytingu á lögum um verndar- og orkunýtingaráætlun - vindorka og verndarflokkur - 2604011SA

Lögð fram til kynningar umsögn Sambandsins til umhverfis- og samgöngunefnd Alþingis, dags. 14. apríl 2026, um frumvarp til laga um breytingu á lögum um verndar- og orkunýtingaráætlun, nr. 48/2011 (vindorka og verndarflokkur), 565. mál.

Fundi var slitið kl. 15:00